



NEWSLETTER BR. 26

DECEMBAR 2016

FIPA AKTIVNOSTI ≡

SADRŽAJ

- » FIPA – Ambasada BiH u Španiji: Potencijalnim španskim investitorima prezentirati projekte vjetro i solarnih elektrana
- » Suradnja FIPA-e i Autocesta FBiH u realizaciji projekata izgradnje Koridora Vc i brzih cesta
- » FIPA će tražiti investitore za Željeznice FBiH
- » Pripreme za dolazak u BiH kompanija iz Njemačke i Kine: Dobersek GmbH, Sinomach i Camce

FIPA AKTIVNOSTI ≡



FIPA ĆE TRAŽITI INVESTITORE
ZA ŽELJEZNICE FBiH



SURADNJA FIPA-E I AUTOCESTA FBiH U REALIZACIJI
PROJEKATA IZGRADNJE KORIDORA VC I BRZIH CESTA ≡



...I JOŠ FIPA AKTIVNOSTI...



FIPA ĆE TRAŽITI INVESTITORE ZA ŹELJEZNICE FBiH



Direktor FIPA-e Gordan Milinić i uaradnici održali su 21. decembra 2016. godine u Sarajevu sastanak sa v.d. izvršnog direktora za poslove željezničke infrastrukture Zulfom Robovićem i v.d izvršnog direktora za poslove razvoja i investicija Rešadom Mandžom.

Predstavnici FIPA-e su informirali o uslugama koje ova Agencija pruža stranim investitorima, kao i aktivnostima koje poduzima, naglasivši da investitori pokazuju interes za željezničke infrastrukturne projekte.

Predstavnici Źeljeznica FBiH su iznijeli podatak da trenutno imaju projekte sa spremnom projektom dokumentacijom za remont sjevernog dijela željezničke pruge i to za pod-dionice Sarajevo-Podlugovi, Zenica-Jeline, Maglaj-Doboj, i smatraju da bi investitorima mogao biti interesantan projekat izgradnje željezničke pruge Vareš-Banovići, modernizacija pruga u Tuzlanskom bazenu i projekat nabavke mehanizacije u vrijednosti od 7-8 miliona eura, a imaju i brojne idejne projekte na čijim se studijama i projektnoj dokumentaciji trenutno radi.

Dogovoreno je da će se, nakon što Źeljeznice FBiH dostave spremne projekte, FIPA angažirati na pronalasku stranih investitora.

Naglašena je potreba za tješnjom suradnjom, razmjenom informacija o projektima i predstavljanju projekata potencijalnim investitorima.



SURADNJA FIPA-E I AUTOCESTA FBiH U REALIZACIJI PROJEKATA IZGRADNJE KORIDORA Vc I BRZIH CESTA



Direktor Agencije za unapređenje stranih investicija u BiH (FIPA-e) Gordan Milinić posjetio je JP Autoceste FBiH i razgovarao sa direktorom tog preduzeća Adnanom Terzićem o realizaciji projekata izgradnje koridora Vc i brzih cesta u FBiH. Planirane investicije u izgradnju autoputeva i brzih cesta ukupne dužine od 800 km se procjenjuju na 7 milijardi EUR. Trenutno je realizirano svega 100 km planirane putne infrastrukture, čime se pruža mogućnost stranim investitorima da učestvuju u realizaciji planiranih projekata.

Među prioritetima u izgradnji koridora Vc su dionice Tunel Prenj, Prenj-Mostar sjever i Mostar sjever-Mostar jug, ukupne vrijednosti oko 500 miliona eura, a za koje se tenderi očekuju početkom 2017. godine. Pored toga stranim investitorima se nudi i mogućnost učestvovanja u već pripremljenom projektu izgradnje brze ceste Lašva-Nević Polje Travnik u vrijednosti od 218 miliona eura, koji će biti realizovan putem modela koncesije.

Direktor Milinić je istakao važnost suradnje FIPA-e i Autocesta FBiH u pružanju adekvatnih informacija stranim investitorima koji su već iskazali ozbiljan interes za investiranje u projekte izgradnje autoputeva i brzih cesta u BiH.



FIPA – AMBASADA BIH U ŠPANIJU: POTENCIJALNIM ŠPANSKIM INVESTITORIMA PREZENTIRATI PROJEKTE VJETRO I SOLARNIH ELEKTRANA



Direktor Agencije za unapređenje stranih investicija u BiH (FIPA) Gordan Milinić sa suradnicima 21. decembra 2016. godine održao sastanak sa ambasadorom Bosne i Hercegovine u Španiji Nj.E. Darkom Zelenikom kako bi razgovarali o mogućnostima unapređenja ekonomske i investicijske suradnje sa španskim kompanijama.

Direktor Milinić je upoznao ambasadora Zeleniku sa uslugama koje FIPA nudi potencijalnim i postojećim stranim investitorima u BiH, te istakao da je FIPA na usluzi investitorima u svim fazama realizacije investicije. Također je predložio ambasadoru Zeleniki upostavljanje suradnje sa španskim kompanijama aktivnim u sektoru obnovljivih izvora energije, posebno kompanijom Fersa Energias Renovables koja je u partnerstvu sa podgoričkom firmom Čelebić angažirana na izgradnji 23 vjetroelektrane snage do 46 MW na brdu Možura između Bara i Ulcinja i koja ima podružnicu u Splitu, Hrvatska.

Bosna i Hercegovina ima projekte, posebno za izgradnju solarnih i vjetro parkova, koji su atraktivni za španske investitore. Također postoje brojne mogućnosti za investiranje u sektor proizvodnje hrane, drvo-preradu i banjski turizam. Po poljoprivredno-prehrambenoj proizvodnji Španija je jedna od vodećih zemalja u svijetu i interes za ulaganje u ovaj sektor u BiH bi mogao biti pokazan zbog CEFTA ugovora o slobodnoj trgovini, ugovora o slobodnoj trgovini sa Turskom i drugim preferencijalnim izvoznim režimima koje BiH ima sklopljene sa brojnim zemljama.

Na inicijativu počasnog konzula Ramona Jufrese u Barceloni je prije nekoliko godina osnovana Privredna komora Bosne i Hercegovine, te je na sastanku dogovoreno intenziviranje suradnje na privlačenju investicija iz Španije u BiH. FIPA od svih ambasadora BiH očekuje da im ekonomska diplomatije bude prioritet u radu, da rade na dovođenju investitora u zemlju, kao i na povećanju izvoza iz BiH.



PRIPREME ZA DOLAZAK U BIH KOMPA NIJA IZ NJEMAČKE I KINE: DOBERSEK GMBH, SINOMACH I CAMCE



Direktor Agencije za unapređenje stranih investicija BiH (FIPA) Gordan Milinić razgovarao je sa direktorom njemačke firme Engineering Dobersek GmbH u BiH g. Enverom Alibegovićem o iskazanom interesu ove kompanije za ulaganje u projekte energetike, rudarstva, ekologije i transporta sa fokusom na putnu i željezničku infrastrukturu. Kompanija posluje po cijelom svijetu počev od Ruske Federacije, Bugarske, Srbije do Južne Amerike.

Navedena njemačka firma posluje u suradnji sa kineskim kompanijama Sinomach i Camce čija se zajednička posjeta BiH očekuje u januaru 2017. godine, zajedno sa predstavnicima kineske banke Exim.

U toku su konsultacije oko bh. projekata koji će se ponuditi navedenim investitorima.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a yellow-to-blue gradient and white stars, matching its national flag. The text is centered over the map.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA